

202

671

25-05-2017

Bosna i Hercegovina
Federacija Bosne i Hercegovine
KANTON SARAJEVO
Ministarstvo zdravstva



Bosnia and Herzegovina
Federation of Bosnia and Herzegovina
CANTON SARAJEVO
Ministry of Health

Broj:10-05-12 426/ 17
Sarajevo, 17.04.2017.godine

SKUPŠTINA KANTONA SARAJEVO

-Služba za skupštinske poslove-

PREDMET: Odgovor na zastupničko pitanje

Zastupnik Mirza Čelik na 27. Radnoj sjednici Skupštine Kantona Sarajevo, održanoj 10.04.2017 godine, u okviru tačke Dnevnog reda „Zastupnička pitanja, inicijative i odgovori“, u skladu sa Poslovníkom Skupštine Kantona Sarajevo, postavio je zastupničko pitanje:

„Da li je nakon prošlogodišnjeg usvajanja Liste lijekova od strane Vlade Kantona Sarajevo došlo do izostavljanja sa esencijalne liste nekih lijekova koji su krucijalni za liječenje RVI i da li je ova kategorija i na koji način oštećena donošenjem ove liste? Također tražim da mi se explicite obrazloži procedura izdavanja tzv. „crvenih receptata“ koji važe za RVI“.

U vezi sa postavljenim zastupničkim pitanjem dostavljamo slijedeći:

ODGOVOR

Pravo na lijekove za sve osiguranike Kantona Sarajevo prema medicinskim indikacijama definisan je Odlukom o pozitivnoj, bolničkoj i magistralnoj listi lijekova Kantona Sarajevo(„Službene novine Kantona Sarajevo“ Odluka broj: 27/16, Prilozi broj: 46/16).

Pored obaveznog vida zdravstvenog osiguranja Liste A i dijela participacije za lijekove sa Liste B spomenute Odluke o pozitivnoj listi, ratni vojni invalidi ostvaruju pravo na lijekove putem proširenog obima zdravstvenog osiguranja za ratne vojne invalide koji su oslobođeni plaćanja participacije odnosno ličnog učešća u cijeni lijeka sa Liste B, što je u skladu sa članom 6. Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo („Službene novine Kantona Sarajevo“ br: 13/ 04, 11/ 06, 16/ 11). Putem proširenog obima prava definisanog u Odluci primjenom tzv. crvenog RVI recepta ova populacija oslobođena je plaćanja bilo kakve participacije odnosno ličnog učešća u cijeni lijeka (za lijekove koji se nalaze na Listi B Odluke o pozitivnoj, bolničkoj i magistralnoj listi lijekova KS) a razliku cijene do punog iznosa snosi Ministarstvo zdravstva Kantona Sarajevo

Ratni vojni invalidi sa područja Kantona Sarajevo pravo na lijekove ostvaruju putem posebnog obrasca za te namjene (Rp / RVI) obrazac crvenog recepta. koga propisuje ljekar obiteljske medicine prema medicinskim indikacijama a u skladu sa potrebama ratnog vojnog invalida. Lista lijekova koju čine lijekovi različitih oblika, jačina kao i različitih proizvođača

lijekova je dostupna bez učešća u cijeni lijeka, ratnim vojnim invalidima, u skladu sa obaveznim i proširenim vidom zdravstvenog osiguranja.

Obrasci recepta realiziraju se u apotekama Kantona Sarajevo i fakturišu Zavodu zdravstvenog osiguranja Kantona Sarajevo za iznos po osnovu obaveznog zdravstvenog osiguranja i Ministarstvu zdravstva Kantona Sarajevo za iznos po osnovu proširenog vida zdravstvenog osiguranja za spomenutu Listu lijekova. Razlika do punog iznosa cijene fakturiše se od strane Zavoda zdravstvenog osiguranja, Ministarstvu zdravstva Kantona Sarajevo kroz tromjesečne uplate. Plaćanje je regulisano Sporazumom o plaćanju lijekova sa Liste lijekova za ratne vojne invalide zaključenim sa Zavodom zdravstvenog osiguranja Kantona Sarajevo što je u skladu s Odlukom o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo.

U skladu sa navedenim Sporazumom Zavod zdravstvenog osiguranja je u 2016.godini fakturisao Ministarstvu zdravstva Kantona Sarajevo troškove koji za RVI iznosili u ukupnom iznosu od **360.281,09 KM.** po kvartalu kako je prikazano u narednom tabelarnom pregledu.

Tabelarni prikaz obaveza koje je Ministarstvo zdravstva Kantona Sarajevo izmirilo prema Zavodu zdravstvenog osiguranja Kantona Sarajevo na ime participacije za lijekove za RVI

Br.	LIJEKOVI u toku 2016.	IZNOS
1.	LIJEKOVI za period Januar – Mart	91.043,14
2.	LIJEKOVI za period April – Juni	92.658,10
3.	LIJEKOVI za period Juli – Septembar	86.414,18
4.	LIJEKOVI za period Septembar– Decembar	90.165,67
5.	UKUPNO	360.281,09

Detaljne informacije o provedbi Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo su prezentirani u Izvještaju o implementaciji Odluke o proširenom obimu prava za RVI sa područja Kantona Sarajevo za 2016.godinu, koji je upućen Skupštini Kantona Sarajevo na razmatranje i usvajanje.

S poštovanjem,



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104. Fax: + 387 (0) 33 562-243
Sarajevo, Reisa Džemaludina Čauševića 1

